



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

Imperatoris Valentiniani, & Valentis de consubstantiali, ad Asianam  
Diocesim epistola. Cap. VII.

**urn:nbn:de:hbz:466:1-12704**

mentem eius omni perpendiculo rectiore esse, & senten-  
tiā eius quaque regula exquisitiores. Atque conjectura  
ex consensu eorum, qui dissidentem sectabantur doctri-  
nam, ducta suffragationem illam diuinus factitatem arbit-  
ratus est. Postea verò quām Ambrosius diuinum sacro-  
sancti baptismatis munus adeptus erat, & gratiam episco-  
palem receperat, dicitur Imperator longe præstantissimus  
(nam rebus his gestis intererat) hymnum ad gratias serua-  
tori ac domino agendas recitasse, his ferè verbis. Gratia sit  
tibi, domine omnipotens, & seruator noster, quod cum ip-  
se corpora huic viro commissem, tu etiam animas ei co-  
mendasti: indequē declarasti meam iustam fuisse sententiā.  
Paucis post diebus, cum Diuus Ambrosius valde liberè a-  
pud Imperatorem verba faceret, resq; nonnullas tanquam  
minus recte à magistratibus administratas coargueret, re-  
spondit Imperator: noui iam pridem tuam in loquendo  
libertatem. Quare sicut diuina præscribit lex nostrorum a-  
nimorum erratis medicinā facito. Ista sunt ab Imperatore  
& dicta Mediolani, & factitata. Porro autem cum accepis-  
set quosdam in Asia, & Phrygia doctrinam fidei in contro-  
uersiam vocasse, Concilium in Illyrico cogi mandat: at-  
que res decretas stabilitasque ab episcopis, qui ibi in vnum  
conuocati, fidem, Concilij Nicæni confirmauerant, ad eos,  
qui de fide inter se contendebant, misit: scripsitque ad il-  
los quoque literas: quarum fratrem suum participem fieri  
voluit, eumque vti episcoporum decretis adhæresceret,  
cohortatus est. Citabo quoque legem, quæ & pietatem  
perspicuè ostendit Valentiani, & sanam itidem Valen-  
tis de religione doctrinam, quam eo tempore amplecteban-  
tur, manifesto declarat.

*Imperatoris Valentiniani, & Valentis de  
consustantiali, ad Asianam Dio-  
cæsim epistola.*

CAP. VII.

LL 4 Impera-

THEODOR. HISTOR.

Imperatores Max. semper August. Victores,  
August. Valentinianus, Valens, & Grati-  
anus, Episcopis diœceseos Asiana, Phrygiae,  
Carophrygiae, Pacatianæ, in Domino S.

**V**bi frequenti in concilio in Illirico coacto multum in  
ytranq; partem de salutari dei verbo disceptatum e-  
rat, beatissimi episcopi, trinitatem consubstantialem  
esse, hoc est, patrem, & filium, & spiritum sanctum, certis ra-  
tionibus ostenderunt. A qua fide ne digitum quidem, vt  
aiunt, deflectentes, debito cultu religionem præpotētis re-  
gis prosequūtur. Quam etiam nostra celsitudo passim præ-  
dicari mandauit. Attamen non est hæc causa cur quidā di-  
cant se religionem sequi imperatoris, qui hunc mundū gu-  
bernat, neglecto scilicet illius mandato, qui nobis de salu-  
te nostra præcepta dat. Est enim præceptum euangelii dei  
nostrī, qui hanc habet velut ratam definitamq; sententiam:  
Reddite, quæ sunt Cæsarī Cæsari, & quæ sunt dei deo.

*Marc. 12.* Quid ergo vos dicitis episcopi, & verbi salutaris antisti-  
*Luc. 20.* tes? Quod si vos eaedm decernatis, tum certè vos mutuò  
ipsi complectimini: & imperatoria celsitudine nolite abuti.  
Nolite persequi veros dei ministros, quorum precibus &  
bella sedantur in terra, & incursions angelorum, qui à deo  
desciuerunt, arcentur. Qui etiam orando pestiferos dæmo-  
nes repellere nituntur: qui vectigalia, vti leges postulant,  
penitare non recusant: qui potestati imperatoriæ non refra-  
gantur. Sed sancte & sincere tum mandatum præpotentis  
regis, dei obseruant, tum nostris legibus obsequuntur. At  
constat vos obstinatè his rebus restitisse. Nos patiētia sem-  
per à principio usque ad finem usi sumus. Vos contra ani-  
mi vestri impotentiae obsecuti estis. Sed nos à vestra culpa  
volumus esse vacui & puri, non aliter atque Pilatus, qui  
*Mat. 27* cum de Christo iam tum inter nos vitam agente haberetur,  
quæstio, noluit eum interficere: & rogatus à Iudæis, vt cru-  
ci affigeretur, se conuertere ad Orientem, petere aquam ma-  
nibus, easque lauare cœpit, simul hæc locutus: Innocens  
sum à sanguine iusti huius. Ob quam causam nostra Celsi-  
tudo semper istud imperauit, ne quis persequatur, ne quis  
quem,

quem submerget, vocetve in inuidiā Christi agricultas, ne-  
ue procuratores summi regis exagitet, ne regnantibus nūc  
nobis nihil hinc emolumenti consecuti, postea vna cum  
sceleris exhortatore in ea quæ testamenti ipsius sunt dam-  
na incuratis, id quod in Zachariæ sanguine eueniebat. Nā  
funesti illi, perinde ac pestifer dæmon, qui cædis illis soci-  
us erat, mortis supplicio traditi, adueniente cœlitus rege no-  
stro Iesu Christo disrupti perierunt.

Istud mandatum dedimus præsentibus audientibusque ea,  
quæ facta sunt, Amegetio, Ceronio, Damafo, Lampone, &  
Brintesio. Porrò ipsa acta ad vos misimus, vt intelligatis,  
quæ hoc præclarum concilium decreuerit. Nam his literis  
attexuimus decreta concilii, quæ summatim complectun-  
tur ista. Sententiam magni & orthodoxi concilii Nicæni  
sequentes, confitemur filium patri consubstantialem esse.

Neque certe ita intelligimus consubstantialem, vt quidā  
olim exponebant, qui non syncerè & ex animo concilio  
Nicæno subscriperunt: neque vt alii, qui hoc tempore il-  
los appellant patres, & vim huius verbi, Consubstantialis  
tollunt, sequunturque opinionem eorum, qui tradiderunt  
per hanc vocem, Consubstantialem, nihil aliud significari,  
quam Similem: per quam vocem filius nulli creaturæ per i-  
psum conditæ, sed soli patri similis ostenditur. Qui ista tra-  
dunt, filium Dei nihil aliud quam creaturam eximiam esse  
impiè plane definiunt. Nos autem non aliter sentimus  
atque duo concilia, quorum alterum iam Romæ, alte-  
rum habetur in Gallia, nimirum vnam eandemq; essenti-  
am esse patris, & filii, & spiritus sancti, in tribus personis,  
hoc est in tribus perfectis, vt Græci loquuntur.  $\text{ποστεσ}$

Confitemur item, vt est in fidei formula Niceæ edita, con-  
substantialem dei patris filium carnem sumpsiſſe ex sancta  
virgine, inter homines habitasse, impleuisse omnem pro no-  
bis œconomiam, nascendo, patiendo, resurgendo, & in cœ-  
los ascendendo: venturum quoque denuo, vt in die iudi-  
cii, prout quisque se gesit in vita, reddat cuique: carni vni-  
uersæ viſum fore, diuinam suam demonstraturum potentia-  
m, deum, carne indutum, non hominem indutum diuini-  
tate. Illis autem, qui contraria sentiunt, anathema denunci-  
amus. Pari ratione his, qui non ingenuè dicunt anathema

LL 5 ei qni

THEODOR. HISTOR.

ei, qui afferit filium non ante fuisse, quām nasceretur, sed tradit eum vi & facultate prius in patre fuisse, quām re ipsa genitus esset, anathema denuntiamus. Nā istud dici potest, de omnibus creaturis, quæ non semper cum deo sunt, sicut filius semper cū patre est, æterna generatione genitus. Ista, de actis concilii summatim complexus est imperator. Ego, verò ipsas concilii literas historiæ adiungam.

Illyrici Concilij libellus Synodus de  
fide. CAP. VIII.

Episcopi Illyrici Ecclesiæ Dei, & Episcopis  
Dioceſeos Asiana, Phrygia, Carophry-  
gia, & Pacaciana, in domino S.

**C**Vm in vnū essemus coacti, & diu multūq; de salutari  
verbo disceptatum esset, tandem confirmauimus trinitatē  
consubstantialē esse, patré, filium, & spiritū sanctū.  
De qua re consentaneū videbatur literas ad vos perſcribe-  
re, nō captioſe & vafre ea, quæ ad cultū trinitatis pertinēt,  
tradēdo, sed cū humilitate animi de illis decernendo. Has  
noſtras literas misimus per dilectū fratre noſtrū & collegā  
Elpidium presbyterū. Est quidē literis proditū non in epi-  
ſtola noſtra manu ſcripta, ſed in libris Seruatoris noſtri Ie-  
ſu Christi: Ego ſum Pauli, ego vero Apollo, ego Cephæ,  
ego Christi. Nunquid Paulus pro vobis crucifixus eſt, aut  
in nomine Pauli baptizati eſtis? Atq; noſtra modeſtia hiſ  
potuiffet eſſe contenta, vt nullas omnino literas ad vos ſcri-  
beret: quippe cum veſtra prædicatione, qua ſpiritum sanctū  
à patre & filio separatis, tantus terror omnibus prouinciis,  
quæ à vobis administrātur, iniectus iſt. Itaq; coacti ſumus  
dominum & collegam noſtrum Elpidium, cum literis Ro-  
ma, quæ eſt caput imperii, ad vos mittere, vt diſcat, vtrū ve-  
ſtra prædicatione ita ſe habeat, an non. Nam qui opinātur tri-  
nitatē non eſſe consubstantialē, anathema ſunto. Et ſi quis  
cum huiusmodi communicare deprehensus iſt, anathema  
eſto. His autem, qui prædicant trinitatē conſubstantiale-  
m, eſſe, regnum cœlorum paratum eſt. Quare obſecramus vos,  
fratres,